

Na osnovu člana 37. stav (1) tačka c) Zakona o taksi prijevozu u Kantonu Sarajevo ("Službene novine Kantona Sarajevo", broj 11/14, 26/14, 14/16 i 16/16 - Ispravka) i člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo je, na 110. sjednici održanoj 25.01.2018. godine, donijela

ODLUKU

O OBLIKU I SADRŽAJU KROVNE TAKSI OZNAKE

Član 1. (Predmet)

Ovom odlukom utvrđuje se obaveza postavljanja, oblik i sadržaj, pozicioniranje, vrijeme i način postavljanja krovne taksi oznake kao i nadzor nad njenom primjenom.

Član 2. (Obaveza postavljanja krovne taksi oznake)

Svako taksi vozilo registrovano za obavljanje taksi prijevoza u Kantonu Sarajevo mora imati postavljenu svjetleću krovnu taksi oznaku čiji oblik i sadržaj je utvrđen odredbama člana 37. Zakona o taksi prijevozu u Kantonu Sarajevo ("Službene novine Kantona Sarajevo", br. 11/14, 26/14, 14/16 i 16/16 - Ispravka), kao i odredbama ove odluke.

Član 3. (Pozicioniranje, sadržaj i oblik krovne taksi oznake)

(1) Krovna taksi oznaka sastoji se iz: magneta, osnovne ploče, nosača sijaličnog sklopa-led rasvjete sinhronizovane sa ugrađenim taksimetrom u smislu "slobodan-zauzet" (SLOBODAN - sijalice upaljene, ZAUZET - sijalice ugašene) i poklopca krovne oznake na kojem se nalazi površina namijenjena za pozicioniranje elemenata krovne taksi oznake koja sadrži grb Kantona Sarajevo (u daljem tekstu: Kanton), evidencijski broj, naziv privrednog subjekta ili udruženja kojem pripada i natpis "TAXI".

(2) Poklopac krovne oznake na kojem se nalazi površina namijenjena za pozicioniranje elemenata krovne taksi oznake je širine 120 mm, dužine 650 mm i visine 110 mm. Osnovna boja poklopca krovne taksi oznake je žuta.

(3) Površina namijenjena za pozicioniranje elemenata krovne taksi oznake je oblika jednakokraničnog trapeza sa dužinom donje osnovice 640 mm i visine 120 mm sa zaobljanjima na spoju krakova i gornje osnovice, na način i u obliku te prema dimenzijama kako je to prikazano na grafičkom prilogu koji čini sastavni dio ove odluke.

(4) Na krovnoj taksi oznaci, na obje duže stranice, su površine namijenjene za pozicioniranje elemenata krovne taksi oznake, na prednjoj strani: grb Kantona, naziv privrednog subjekta ili udruženja kojem pripada, natpis "TAXI" i evidencijski broj, na zadnjoj strani: naziv privrednog subjekta ili udruženja kojem pripada, natpis "TAXI" i evidencijski broj, na način kako slijedi:

- a) grb Kantona je visine 95 mm i širine 75 mm i postavljen je u osi na udaljenosti od 50 mm od donje lijeve ivice površine namijenjena za pozicioniranje elemenata krovne taksi oznake. Odmah poslije grba Kantona, na udaljenosti od 10 mm u donjem dijelu (udaljenost od ivice grba Kantona 10 mm) pozicioniran je natpis "TAXI" (dužina natpisa "TAXI" je 350 mm, a visina 50 mm) u gornjem dijelu (udaljenost od gornje ivice 10 mm, a od natpisa "TAXI" sa donje strane 5 mm) pozicioniran je naziv privrednog subjekta ili udruženja kojem pripada;
- b) dužina natpisa "naziva privrednog subjekta ili udruženja kojem pripada" može da bude maksimalno 350 mm, a visina 45 mm;
- c) iza natpisa "TAXI" na udaljenosti od 10 mm od istog pozicionira se evidencijski broj radio veze - sa tri cifre počev od 001 pa dalje (dužina evidencijskog broja je 100 mm, a visina 120 mm);
- d) površina namijenjena za pozicioniranje elemenata krovne taksi oznake na zadnjoj strani krovne taksi oznake može biti manja do 15% u odnosu na prednju stranu i sadrži "naziv privrednog subjekta ili udruženja kojem pripada", natpis "TAXI" i evidencijski broj;
- e) osnovna boja površine namijenjene za pozicioniranje elemenata krovne taksi oznake je žuta, a ispisivanje brojeva i slova vrši se na crnoj tapeti-naljepnici, čime će biti naglašena žuta slova.

(5) Grafički prilog je sastavni dio ove odluke.

Član 4. (Vrijeme postavljanja krovne taksi oznake)

- (1) Taksi prijevoznici dužni su opremiti taksi vozilo krovnom taksi oznakom prije početka obavljanja taksi djelatnosti.
- (2) Taksi prijevoznici koji obavljaju djelatnost na osnovu već izdatih taksi oznaka, mogu zadržati postojeće krovne oznake najduže godinu dana od dana stupanja na snagu ove odluke.

Član 5. (Kaznene odredbe)

Za svaku zloupotrebu krovne taksi oznake primjenjivat će se kaznene odredbe, koje su sadržane u zakonima kojima se utvrđuje krivična i prekršajna sankcija.

Član 6. (Nadzor nad provođenjem ove odluke)

Ministarstvo saobraćaja Kantona Sarajevo vrši nadzor nad primjenom ove odluke u saradnji sa nadležnim inspekcijским organima i policijskim službenicima ovlaštenim od strane Ministarstva unutrašnjih poslova Kantona Sarajevo, a u smislu odredbi člana 41. st. (2) i (3) Zakona o taksi prijevozu u Kantonu Sarajevo ("Službene novine Kantona Sarajevo", br. 11/14, 26/14, 14/16 i 16/16 - Ispravka).

Član 7. (Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-515-17/18
25. januara 2018. godine
Sarajevo

Premijer
Elmedin Konaković, s. r.